



賣一種風情个後生人

放寮日下晝，吾妹仔湊厥爸去蹶虎頭山轉來，興嘟嘟仔同佢講：「媽，等若腳好地，偲共下來去蹶山，你係蹶到山嶺頂，佢請你啲咖啡！」吾妹仔毋係翕佢，係正經想愛請佢啲咖啡。佢點開一個後生人个面書分佢看，係一個看起來異斯文个後生人，騎一臺蹶山用个自行車、車仔後斗有兩桶水還過煮咖啡个咖啡壺。厥面書頂項詳細記錄等，佢放寮日會箭自行車去哪位，在哪位个山頂賣咖啡，賣一種分你享受山風、享受生活風情个咖啡。

「嗯，這後生人看起來異伶俐，車仔後斗个工作臺雖然細細仔，毋過抹到金若若仔，看得出佢異煞猛。好哦，另日分你請！」佢講。一個後生人，平常時上班，放寮日曉得去運動健身，又想得著享受生活个香味、閒情分人，等吾腳膝頭蹶得贏地，佢就蹶去山頂，啲一杯這種有生活香味、熱情个咖啡。

另一日暗晡，佢兜一屋下人去臺北个後山埤捷運站脣食夜，佢對店項行啊出來，就影著一臺老式个三輪車。三輪車頂高有一個闊闊个貨架仔、頂項有遮兩個布篷，三輪車脣放等兩桶二十公升个水，還過……，毋知係麼个，看毋多真个東西。佢行過去同佢看真啊，原來，賣个係磅米程！地泥下放等个係磅米程个機器，貨架仔頂還有攪米程、切米程个枋仔，看起來都係正用啊過，粹到金金。毋過，吾耳公脣仰像係聽得著「愛砰哩啲！」該磅米程阿伯，通知大家耳公好揸等咁个大聲骸樣仔。

「媽，等佢一下仔，佢愛買磅米程！」吾妹仔揪等吾衫袖，同佢喊轉二十一世紀。賣磅米程个，係一個緣投、異有笑容个後生條仔，雖然佢兜正同佢交關著一百個銀散个磅米程定定，佢還係笑咪咪仔、親切个問佢兜：「愛攪个油紙絡仔無？」佢講毋使，佢兩子哀一儕人拿一包就做得。緊行緊遠，停在繁華都市一角个老三輪車、細阿哥仔目珠密做兩條線个笑容，還過，還細時節磅米程阿伯个大聲骸、磅米程个煙……，顛倒在吾心肝肚攞攞合合，緊操嘎緊真。

在繁華个捷運站脣，賣老式磅米程个後生人；在山風悠悠个虎頭山頂，賣醃醃咖啡个後生人，佢兜賣个係一種風情，一種對人生有熱情、一種肯同生份人共下交織人生風景个風情，還過，一種有偲兜共同生活印跡个風情。

作者：彭瑞珠

☆詞彙學習☆

【興嘟嘟仔】him du du e`：興沖沖的。

【攞攞合合】lo' lo' gab` gab`：攪拌混合。

【金若若仔】gim' na na e`：亮晶晶的。

【操】cau：翻動。

【密】mi'：細密、緊密，毫無縫隙的樣子。

☆文法學習☆

【翕佢】hib` ngai`：對我挑釁、嗆我。翕+受詞，向某人挑釁。

例1：你明知佢無該才調，莫恁樣翕佢哪！（你明明知道他沒那個能耐，別這樣嗆他啦！）

例2：這碇仔搥到恁澄，還翕人哦！（這階梯弄得這麼陡，很氣人欸！）